



დამოუკიდებელი ინსპექტორის
გ ა და წ ყ ვ ე ტ ი ლ ე ბ ა

ქ. თბილისი

2020 წლის 30 დეკემბერი

დისციპლინური საქმე №81/19-1
მოსამართლეების, ---, --- და --- მიმართ
დისციპლინური სამართალწარმოების შეწყვეტის შესახებ

--- 2019 წლის 06 მაისს №81 საჩივრის საფუძველზე „საერთო სასამართლოების შესახებ“ საქართველოს ორგანული კანონის 75⁵ მუხლის პირველი პუნქტის „ა“ ქვეპუნქტისა და 75⁶ მუხლის შესაბამისად, საქართველოს იუსტიციის უმაღლესი საბჭოს დამოუკიდებელი ინსპექტორის მიერ მოსამართლეების, ---, --- და --- მიმართ დაიწყო დისციპლინური სამართალწარმოება და წარმოდგენილი საჩივრის საფუძველიანობის წინასწარი შემოწმება.

საქართველოს იუსტიციის უმაღლესი საბჭოს დამოუკიდებელი ინსპექტორის მიერ დასკვნა მომზადდა 2019 წლის 10 ივნისს.

1. საჩივრის ავტორის მიერ მითითებული გარემოებები:

საჩივრის ავტორი სადავოდ ხდის საჩივარში მითითებული მოსამართლეების მიერ მიღებული გადაწყვეტილებების კანონიერებას.

2. საჩივრის საფუძველიანობის წინასწარი შემოწმების და გამოკვლევის შედეგად დადგენილი ფაქტობრივი გარემოებები:

2.1. 2013 წლის 16 აგვისტოს --- სარჩელით მიმართა --- სასამართლოს მოპასუხეების, ---, ---, --- და --- მიმართ ნივთის უკანონო მფლობელობიდან დაბრუნების მოთხოვნით. საქმე განსახილველად გადაეცა მოსამართლე ---.

2013 წლის 16 ოქტომბერს სასამართლო სხდომაზე არ გამოცხადდა არც ერთი მოპასუხე მიუხედავად იმისა, რომ მათ კანონით გათვალისწინებული წესით ეცნობათ საქმეზე მოსამზადებელი სხდომის ჩატარების თაობაზე. ამდენად, მოსამართლემ მიიღო დაუსწრებელი გადაწყვეტილება, რომლითაც დააკმაყოფილა --- სარჩელი.

2.2. 2012 წელს --- (საარბიტრაჟო მოსარჩელე) განცხადებით მიმართა --- სააპელაციო სასამართლოს მოწინააღმდეგე მხარის, --- მიმართ და მოითხოვა შპს --- არბიტრაჟის --- 2012 წლის 23 იანვრის გადაწყვეტილების ცნობა-აღსრულება.

--- სააპელაციო სასამართლოს 2012 წლის 15 მარტის განჩინებით (მოსამართლეები --- (თავმჯდომარე, მომხსენებელი), ---, ---) --- განცხადება შპს --- არბიტრაჟის --- 2012 წლის 23 იანვრის გადაწყვეტილების ცნობა-აღსრულების შესახებ დაკმაყოფილდა.

3. დამოუკიდებელი ინსპექტორის 2019 წლის 10 ივნისის დასკვნა:

„საერთო სასამართლოების შესახებ“ ორგანული კანონის 75² მუხლის თანახმად „მოსამართლეს დისციპლინური პასუხისმგებლობა არ ეკისრება, თუ დისციპლინური გადაცდომის ჩადენის დღიდან

გასულია 5 წელი, ხოლო დისციპლინურ პასუხისგებაში მიცემის შესახებ გადაწყვეტილების მიღების დღიდან - 1 წელი“ (2020 წლის 1 იანვრამდე მოქმედი რედაქცია).

„საერთო სასამართლოების შესახებ“ ორგანული კანონის 75¹² მუხლის პირველი პუნქტის „ბ“ ქვეპუნქტის შესაბამისად (2020 წლის 1 იანვრამდე მოქმედი რედაქცია), მოსამართლის მიმართ დისციპლინური სამართალწარმოების შეწყვეტის თაობაზე გადაწყვეტილებას შესაბამისი ორგანო ან თანამდებობის პირი იღებს, თუ მოსამართლის მიმართ დისციპლინური პასუხისგებაში მიცემის ან მისთვის დისციპლინური პასუხისმგებლობისა და სახდელის დაკისრების ვადა ამოიწურა.

მოცემულ შემთხვევაში, საჩივრის ავტორი, -- -- სადავოს ხდის სასამართლოს იმ გადაწყვეტილებების კანონიერებას, რომლის მიღებიდანაც გასულია 5 წელზე მეტი.

4. საქართველოს იუსტიციის უმაღლესი საბჭოს დამოუკიდებელი ინსპექტორის მიერ გადაწყვეტილების მიღების სამართლებრივი საფუძვლები:

„საერთო სასამართლოების შესახებ“ საქართველოს ორგანული კანონის 75² მუხლის თანახმად, „მოსამართლეს დისციპლინური პასუხისმგებლობა არ დაეკისრება, თუ მის მიერ დისციპლინური გადაცდომის ჩადენის დღიდან ამ გადაცდომაზე დისციპლინური სამართალწარმოების დაწყებამდე გასულია 3 წელი, ხოლო მოსამართლის დისციპლინურ პასუხისგებაში მიცემის შესახებ გადაწყვეტილების მიღების დღიდან – 1 წელი“ (2020 წლის 01 იანვრიდან მოქმედი რედაქცია).

ხანდაზმულობის ვადას დისციპლინური სამართალწარმოებისათვის განსაკუთრებული მნიშვნელობა აქვს, ვინაიდან, „საერთო სასამართლოების შესახებ“ საქართველოს ორგანული კანონის თანახმად, დისციპლინური სამართალწარმოების დაწყებისათვის აუცილებელია, რომ საჩივარი დამოუკიდებელი ინსპექტორის სამსახურში წარმოდგენილი იყოს ქმედების ჩადენიდან 3 წლის განმავლობაში.

ხანდაზმულობის ვადის მიზანია თავიდან აიცილოს ისეთი შემთხვევა, როდესაც საჩივრის დაგვიანებით წარდგენა შეუძლებელს ხდის ან აფერხებს კონკრეტული საქმის მოკვლევას და საქმის გარემოებების სრულყოფილ შესწავლას. ამასთან, ხანდაზმულობის კონკრეტული ვადის არსებობა უზრუნველყოფს სამართლებრივ განსაზღვრულობასა და განჭვრეტადობას.

„საერთო სასამართლოების შესახებ“ საქართველოს ორგანული კანონის 75¹² მუხლის პირველი პუნქტის „ა“ ქვეპუნქტის შესაბამისად, დამოუკიდებელი ინსპექტორი იღებს დასაბუთებულ გადაწყვეტილებას მოსამართლის მიმართ დისციპლინური სამართალწარმოების დაწყებაზე უარის თქმის შესახებ ან მოსამართლის მიმართ დაწყებული დისციპლინური სამართალწარმოების შეწყვეტის შესახებ, თუ, ამოიწურა მოსამართლის დისციპლინურ პასუხისგებაში მიცემის ან მისთვის დისციპლინური პასუხისმგებლობის (დისციპლინური სახდელის) დაკისრების ვადა (2020 წლის 1 იანვრიდან მოქმედი რედაქცია). ორგანული კანონის ზემოაღნიშნული დებულება დამოუკიდებელ ინსპექტორს ანიჭებს უფლებამოსილებას თავად მიიღოს გადაწყვეტილება სამართალწარმოების შეწყვეტის შესახებ თუ საჩივრის წარმოდგენამდე გასულია 3 წელი.

საქართველოს იუსტიციის უმაღლესი საბჭოს დამოუკიდებელი ინსპექტორის 2019 წლის 10 ივნისის დასკვნის თანახმად, -- -- საჩივრის საფუძვლიანობის წინასწარი შემოწმების შედეგად დადგინდა, რომ მოსამართლე -- -- საქმეზე სადავო გადაწყვეტილება მიიღო 2013 წლის 16 ოქტომბერს, ხოლო მოსამართლეებმა, -- -- და -- -- საქმეზე შესაბამისი გადაწყვეტილება მიიღეს 2012 წლის 15 მარტს.

საჩივარი საქართველოს იუსტიციის უმაღლესი საბჭოს დამოუკიდებელი ინსპექტორის სამსახურში წარმოდგენილი იყო 2019 წლის 06 მაისს. დადგენილი ფაქტობრივი გარემოებების შეფასების შედეგად დადასტურებულია, რომ მოსამართლეების მიერ სავარაუდო დისციპლინური გადაცდომის ჩადენის დღიდან ამ გადაცდომაზე დისციპლინური სამართალწარმოების დაწყებამდე (საჩივრის

წარმოდგენამდე) გასული იყო 3 წელზე მეტი, რის გამოც, მოსამართლეების მიმართ დისციპლინური სამართალწარმოება უნდა შეწყდეს.

ყოველივე ზემოაღნიშნულიდან გამომდინარე, დამოუკიდებელმა ინსპექტორმა იხელმძღვანელა „საერთო სასამართლოების შესახებ“ საქართველოს ორგანული კანონის 75² მუხლით, 75¹² მუხლის პირველი პუნქტის „ა“ ქვეპუნქტით და

გადაწყვიტა:

1. -- -- 2019 წლის 06 მაისს №81 საჩივარზე შეწყდეს დისციპლინური სამართალწარმოება მოსამართლე -
-- მიმართ.
2. -- -- 2019 წლის 06 მაისს №81 საჩივარზე შეწყდეს დისციპლინური სამართალწარმოება მოსამართლე -
-- მიმართ.
3. -- -- 2019 წლის 06 მაისს №81 საჩივარზე შეწყდეს დისციპლინური სამართალწარმოება მოსამართლე -
-- მიმართ.

ზურაბ აზნაურაშვილი

დამოუკიდებელი ინსპექტორი